



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Horologivm Sacerdotale Sacerdotibus tam Ecclesiasticis,
quàm Religiosis, præsertim Neomystis Ordinem diei, &
praxes indicans Opera quotidiana exactè, sanctéque
obeundi**

Dirckinck, Johann

Coloniæ, 1690

II. Humilitas.

[urn:nbn:de:hbz:466:1-50863](https://nbn-resolving.org/urn:nbn:de:hbz:466:1-50863)

*Affectus virtutum considerationibus
dictis indies subjungendi.*

I. FIDES.

Quis mihi det, ô Jesu amantissime, fide vivâ te suscipiam, firmissimè credam, & sanguinem pro hac veritate profundam; quòd, sicut propter nimiam charitatem quâ dilexisti nos, non reputas immensâ Majestate tuâ indignum, formam servi suscipere, materna viscera subire, postmodum in crucis stipite inter latrones animam exhalare, ut nos redimeres; quoque non dedignatus sis, formam carnis assumere; ad nos pauperculos Fratres tuos descendere, interiora nostra penetrare, esurientesque pascere, ut donis tuis celestibus nos repleres. Ah! credo, spero amo te Deus meus: Desidero te mihi Jesu, quando venies? ut fidem meam robores?

II. HUMILITAS.

Quis mihi det, ô Jesu humillime, cum omnium Sanctorum humilitate, ad hoc Sacramentum & sacrificium tremendum accedere? sed quâ fronte audeo propinquare ad te, Fratrem excellenti

& dignitatis infinitæ? Ecce tu pulcher es, dilecte mi, & ego deformis: tu mitis es, & ego ferus; tu lenis es Jacob, & ego Esau pilosus, tuisque sanctis moribus dissimilis.

Tu pulcher es, dilecte mi, secundum divinitatem: quia splendor es gloriæ Patris, Candor Lucis æternæ, *omnem pulchritudinis rationem & perfectionem infinitam à te ipso ab æterno possidens, sine ulla diminutione aut variatione; exemplar, prototypon, fons & causa omnium pulchritudinum creatarum & possibilium.* (S. Dionys.) Et quomodo audebit accedere ad te, mea deformitas? Umbra ad Solem lucidissimū, ad splendorem immensum caligo, ad ignem infinitum fumus

Tu pulcher es, dilecte mi, etiam secundum Humanitatem; propter unionem ad Verbum, & visionem beatificam, atque ob inexhaustos gratiarum torrentes; speciosus formā præ filiis hominum tam regnantium in cœlis, quàm in terris militantium. Et quomodo conjungetur candori fuligo, puritati macula, malitia Sanctitati? O Frater charitatis & liberalitatis

litatis

litatis immensæ! vel guttulam asperges
 immenso gratiarum tuarum oceano,
 sordibus peccatorum & imperfectionum
 ablutis, dignior accedam ad fontem puri-
 tatis. Radium concede ex splendidissimo
 Sole, ut, fugatis tenebris, in lumine tuo
 videam, cognoscam, amem te Lumen
 ternum, tibi que quodammodo assimila-
 tus, & conjunctus amore, illustre parens
 efficiar. Credo, spero, amo te Deus meus
 Desidero te millies! mi Jesu quando re-
 vies, & humilem me facies?

III. SPES.

Quis mihi det te Fratrem meum, tam
 tâ spe & fiduciâ in Sacramento susci-
 pere; quantâ vel ipsa Mater tua sanctissi-
 ma, vel ullus amicorum tuorum unquam
 te suscepit! sed cùm ea desit; firmissimè
 men in effusissimâ benignitate tuâ confide-
 re. Quid enim negabis indigo & pauperculus
 Frater ditissimus & liberalissimus? O
 Regis æterni? O Cœlestis Jonatha? quare
 ego non sperem à Te si David, si amicus
 tuus esse studeam? Si enim Jonathas
 spoliavit se tunicâ suâ, deditq; eam Davi-
 di; & reliqua vestimenta sua, usq; ad gle-